





河東先生集卷第三十九

奏狀

為廣南鄭相公奏百姓產三男者

鄭相

公鄭細也元和五年出為廣南

右臣所部貞節坊百姓某妻產三男者臣詳

究往例實謂休徵

洪範曰休徵曰咎徵徵驗也

已量事給

絹三十疋充其乳養者伏以陛下勤恤黎元

感通天地靈心昭荅景福已興

詩介爾景福景大也

方

使億兆繁滋

書紂有億兆夷人離心離德風俗通曰十萬曰億十億曰兆



區夏充牣

滿也音仞

故表祥於字育是啓運於昇

平事杳化源慶延邦本鱗羽之瑞曾何足云

臣幸列藩維嘗叨樞近私賀之至

為薛中丞浙東奏五色雲狀

元和三年正月

以湖南觀察薛萃為浙東觀察
元和十二年薛戎拜越州刺史

兼御史中丞浙東觀察使未詳

右臣得管內台州奏

浙東管越睦衢台明處溫七州

月日五

色雲見者一州官吏僧道耆老悉皆瞻覩已

具奏聞并寫圖奉進者伏以景雲上瑞

景雲慶雲

也孫氏瑞應圖曰景雲者
太平之應也一曰慶雲
王者社符煥彩彰

之在天知聖德之昭感伏惟陛下化孚有截

詩相土烈烈海外
有截注截整齊也道洽無垠承天地之貞明

易天地之道導陰陽之和氣紛紛郁郁史記

非煙若雲非雲郁郁紛
紛蕭索輪囷是謂卿雲自東而徂西若煙非

煙一旬而再至徵諸古諫音牒事罕前聞伏乞

宣付史官以昭簡冊

為裴中丞奏邕管黃家賊事宜狀裴中

丞桂管觀察使裴行立也前
卷有代裴中丞謝討黃賊表

右今月四日邕管奏事官嚴訓過

謂過桂州

稱押

衙譚叔向等與黃家賊五千餘人謀為翻動
雖已誅斬猶未清寧當時差本道同十將某
至邕管界首賓州以來迎探事宜兼為聲援
昨得十四日狀并嚴訓狀報同其黃家賊並
已退散各歸洞穴訖伏以鼠竊狗偷非足為
患陛下威靈遠被神化旁行遂使姦猾之謀
猾一作狡先期而自露回邪之黨不戮而盡夷伏
恐飛章已達吉語未聞尚軫天心猶煩廟筭

臣謬居方鎮忝接疆界所得事宜不敢不奏

讓監察御史狀

公拜監察御史裏行諸本於此狀首尾或

載名銜無裏行字後人妄削耳

右臣伏准名例律諸官與父祖諱同者不合

冒榮居之

律十二篇名例律其第一也節文諸府號官稱犯父祖名而冒榮居

之者免所居官

臣祖名察躬今臣蒙恩授前件官以

幼年逮事王父禮律之制所不敢踰臣不勝

進退惶恐之至謹詣光順門奉狀以聞伏聽

勅旨貞元十九年閏十月日承議郎新除監

察御史臣柳宗元奏奉勅新除監察御史柳宗元祖名察躬准禮二名不偏諱不合辭讓年月日檢校司空同中書門下平章事杜佑宣

為京兆府昭應等九縣訴夏苗旱損

狀

貞元十九年正月不雨至七月時京兆尹李實也然史傳謂關

中大歉而實為政猛顧百姓所訴一不介意其說恐未必然按

正元二十一年二月以鴻臚卿王權為京兆尹此狀訴夏苗旱

損而首云謬領京畿已逾兩月疑與此合耳

右臣謬領京畿已逾兩月政術無取誠懇莫
申遂使雨澤憊時田苗微損夙夜兢懼寢食
靡遑今長安一十四縣當作二並准常年例
全徵並一其昭應等九縣臣各得狀並令詳
審各絕隱欺謹具別狀封進臣當府夏稅通
計約二十九萬石已上據所損矜免祇當三
萬石有餘恤人則深減數非廣伏以聖慈弘
貸憫念蒸黎臣忝職司不敢不奏無任慙懼
之至謹錄奏聞伏聽勅旨

為南承嗣請從軍狀

故某官贈某官南霽雲男某官承

嗣

右臣亡父至德之歲死節睢陽

至德二載十月安祿山陷

睢陽霽雲死之陛下每降鴻恩必加褒寵

霽雲初贈開府儀同

三司再贈揚州大都督臣自七歲即忝班榮

承嗣七歲為婺州別

駕垂五十年常居祿秩再守遐郡

歷刺施州績

用無成終貽官謗甘就嚴譴

承嗣為涪州劉闢反承嗣以無

備謫永州集有送南涪州量移澧州序云始由施州為涪州捍蜀道勅寇敵畏不敢犯然

而刀筆之吏以簿書校計盈縮受譴茲郡蓋謂永州也無以負荷先志

報效殊私以慙以懼隕越無地伏見某月日

敕以王承宗負恩干紀命將徂征元和十四年十月以

神策右軍中尉吐突承瓘討王承宗雷霆所加殄滅在近臣竊

不自揆思竭忠誠願預一卒之任以荅百生

之幸庶得摧鋒觸刃摩壘搴旗冀獲盡於微

誠儻不墜於遺烈踊躍之至夙夜不寧敢希

皇明俯鑒丹懇臣聞周官攷藝國子置車甲

之司周禮夏官司馬有職其文闕漢道推恩孤兒備羽

林之用

事詳注南府君睢陽廟碑及送南涪州量移澧州序內

千秋思

奮於事越

漢南越傳粵至武帝時獨其相呂嘉不欲附從韓千秋奮曰以區區

粵又有王應獨相嘉為害願得勇士三百人必斬嘉以報

仲孺期死於奔

吳

史記灌夫字仲孺張孟嘗為穎陰侯灌嬰舍人得幸故蒙灌氏姓為灌孟吳楚反時

嬰為將軍屬太尉請孟為校尉夫以十人與父俱孟年老死吳軍中夫奮曰願取吳王若

將軍頭以報父仇夫募軍中壯士所善願從者數十人馳入吳軍 義激君親

名高竹帛臣雖無似有慕昔人雖身塗草野

死而不朽披肝瀝血昧死上陳無任懇迫忠

憤之至謹錄奏聞伏候勅旨

進農書狀

農書三卷

右伏奉某月日勅宜以二月一日為中和節

所司進農書永以為恆式者

正元五年正月詔自今宜以二

月一日為中和節以代正月晦日備三令節

內外官司休假一日宰臣李泌請中和節日

令百官進農書司農獻種陸之種王公戚里

上春服士庶以刀尺相問遺材社作中和酒

祭勾芒以祈臣伏以平秩東作虞書立制書

年穀從之倣載南畝周雅垂文周頌良此皆奉天

時以授人盡地力而豐食

一作於

自陛下惟

新令節益勵農功既立典於可傳每陳書而

作則耕鑿之利敷帝力於嘉謨稼穡之難動
天心於睿覽勤勞率下超邁古先凡在率土
不勝幸甚前件農書謹函封進謹奏

代人進窳器狀

窳器若干事

此句無

右件窳器等並藝精埏埴

埴和也上黏曰埴老子埴埴以爲器

埴式埴切

制合規模稟至德

之陶蒸自無苦窳

舜陶河濱器皆不苦窳窳病也音愈

合太和

以融結克保堅貞且無瓦釜之鳴

賈誼賦黃鍾毀棄瓦

釜雷

是稱土劔之德

非土劔瓦器也以盛羹韓

土匏。匏音刑。器慙。瑚璉。孔子謂子貢女器也。瑚璉也。瑚璉曰。也。瑚璉祭宗廟之器。夏曰。

瑚。殷曰璉。周曰簠。簠。音力。展反。貢異。罍。丹。書厥貢。惟金三。品。柶。幹。栝。栢。礪。

罍。音奴。既尚質而為先。禮記器用陶。亦當。匏尚質也。

無而有用。謹遣某官某乙隨狀封進。謹奏。

柳州舉監察御史柳漢自代狀。公元和十

年三月出為柳州。六月二十七日。到任。後作。

右伏准從前赦文。元和六年十月十七日。勅常參官上後

上三日。後舉一人自代者。伏見前件官頗有才行。

長於政術。久歷嶺南使職。臣之所知。敢舉自

代無任懇迫之至

上戶部狀

左降官員外置同正員俸料舊用戶部省員闕官錢

充今請改授正官占闕不用上件錢每年約計數萬貫此表柳

州作

右伏以左降官是受責之人都不釐務戶部錢是准敕收貯不合別支又所授員外官亦非舊制宗元在永州日見百姓庄宅公驗有司戶李邕判給處足明皆是正官今請悉依故事為准並廢員外所置凡在貶黜授以正

負責其成功俾無虛授貯錢既免支用加數
足應軍須實冀貨不濫分宦無曠職謹狀

柳州上本府狀

莫誠救兄莫蕩以竹刺莫果右臂經十一

日身死其莫誠禁在龍城縣準律以他物毆傷十二日辜辜內死者各依殺人論。本府謂桂管觀察府也

右奉牒准律文處分者已帖縣准牒待秋分

後舉處分訖伏以中丞謂裴慈惠化人孝悌

成俗屬吏所見皆許申明至公之下敢竭愚

慮竊以莫誠赴急而動事出一時解難為心

豈思他物救兄有急難之戚

詩兄弟急難

中臂非

必死之瘡不幸致殂揣非本意按文固當恭

守撫事亦可哀矜斷手方迫於深哀

田榮曰蝮螫手

則斬手螫足則斬足斷手即謂此斬手也

周身不遑於遠慮

周防也

律宜無赦使司明至當之心情或未安守吏

切惟輕之願

書罪疑惟輕

况俟期尚遠稟命不遥

伏乞俯賜興哀特從屈法幸全微命以慰遠

黎則必闔境荷慈育之恩豈惟一夫受生成

之賜儻以律文難變使牒已行則伏望此狀

便令廢格

音閣

輕賜塵黷惶戰交深謹錄狀上

奉聽處分

為裴中丞伐黃賊轉牒

裴中丞行立也

當管奉詔

當管謂桂管

與諸管齊進

諸管謂容管邕管廣南等

路誅討邕管草賊黃少卿漢軍馬步等若干

人各具兵馬數及軍將若干前牒奉處分竊

以天啓昌期大功畢集神開興運微惡盡除

黃少卿等歷稔逋誅舉宗肆暴

初黃洞首領黃少卿少度

少卿子昌沔昌瓘等自貞元以來數為邊患前後陷十餘州至是行立與容管經畧使湯

是欲徽幸立功爭恃狡兔之穴戰國策狡兔有窟僅得

請討之上從之免其死耳窟穴也踰伏偷安王文考魯靈光殿賦曰狡兔踰伏於附側踰踰

足憑孽狐之丘莊子步仞之丘陵巨獸無所隱其軀而孽狐為之祥孽妖

孽祥跳跟見怪跳音超跟音良以為威狐不射易弧

利以威天網可逃老子天網恢恢疎而不失侵逼使臣隳

犯王略恣其毒虐速我誅鋤敵國盡在於舟

中史記吳起謂武侯曰君不還師已期於席

上趙充國上屯田十二事其一事曰治隍陁

從枕席謂宜投戈頓顙面縛乞身左傳僖五年許男面

過師

縛銜壁面縛者謂縛歸郡邑於王官效黎獻

手於後唯見其面書萬邦黎獻黎獻黎民之賢而乃繕

於天吏者又曰天吏逸德烈于猛火兵補卒增壘閉途正當天討之辰書天討有罪五刑五

哉用更積鬼誅之罪莊子為不善于幽闇衆輕

鬪蟻晉殷仲堪父嘗患耳聰勇劣怒蛙韓非

越王伐吳欲人之輕死也出見怒蛙乃為之

軾從者曰奚敬於此王曰為其有氣故也事

亦見吳越春秋織縞當強弩之初韓安國傳強弩之

素也孤豚儂肥牛之下左傳昭公十三年牛雖

儂佛問切又音憤事同拾芥力易摧枯杪忽蜂腰虛

見辱於齊斧易旅卦旅于處得其資斧子夏傳及衆家並作齊斧張軌云齊

斧蓋黃鉞斧也張晏云整齊也齊側皆切突梯首鼠濫欲寄於旌

頭勦絕有時書天用勦絕其不索何獲左氏

國有言曰某行拱稽致命吳語擁鐸拱稽注云拱持也稽槩戟

也或云稽執銳忘生被堅執銳車甲既備於

小戎詩小戎兵車也鯨鯢豈逃於誅戮左傳

二年古者明王伐不敬取其鯨鯢而封之以

為大戮鯨鯢大魚名以喻不義之人吞食小

國竊觀上略兵法有上總制中權左傳宣十

慮無中權後勁權謀也戰士義激於身心列

中權者謂中軍制謀

校勢成於臂指蹶張之技

漢申屠嘉以材官蹶張從高祖擊項

羽如淳曰材官之多力能脚踏強弩張之故曰蹶張

盡出於山林拔距

之材

漢甘延壽傳投石拔距絕於等倫顏師古曰技距者有人連坐相把據地距以

為堅而能

徧徵於川洞

南夷皆居洞穴故云川洞賞懸香

餌

黃石公記曰芳餌之下必有死夫

令布疾雷莫

不鼓舞戎行虔恭師律

易師出以律否臧凶律法也

投軀

不憊於羽檄

漢高祖曰吾以羽檄未者注檄木簡徵天下兵

徵召急則插以

跂足惟俟於牙璋

周禮典瑞云牙璋以

起軍旅以治兵守

牙璋璋以爲

牙璋璋以爲牙璋璋以

今月某日奏事官米蘭迴捧受詔命神飛首

勇足蹈心馳足之蹈也詩懽聲洽於萬夫勝

氣橫於千里國容不入司馬法曰古者國容不入軍軍容不入國

屨且入於寢門左傳宣十四年楚使申舟聘于齊及宋宋人殺之楚子聞

於寢門之外室皇寢門闕也家事勿開土

已填於左闔國語勾越伐吳入命夫人自今

有辱是子也外有辱是我也王出夫即以月

日全軍出次左傳莊三年九師一宿為分道

並進所期戮力敢告同心孔大夫御史大夫嶺南節度

使孔貞直冠時清明格物禮記清明在躬又

云格來也全體許國一心在公兵精食浮浮

物猶事也也為日固父容府揚中丞御史中丞容管經

揚以義烈為已任勳襲太常太常以安南李

中丞御史中丞安南以英武為家風象古嗣

子業傳彝器彝謂並膺邦寄克達皇威南則

浮海濟師共集堂堂之陣孫子勿擊東則橫

江誓衆用成善善之功孫子見勝不過衆人

也詩緇衣以明有國善善之功焉以此鼓行

可夏六三三

坐觀盡敵刑惟勿喜誅有可哀徵側之勇冠

一方竟就伏波之戮馬援傳交趾女子徵側及徵貳反於是璽書拜

援伏波將軍南擊之軍至浪泊上與賊戰呂遂大破之援追徵側等斬其首傳洛陽

嘉之威行五嶺終摧下瀨之師漢武帝時南越王願欲內

附獨其相呂嘉建德反朝廷於是命路博德為伏波將軍楊僕為樓船將軍及歸義粵侯

二人為下瀨將軍共討之嘉遂與其屬數百人亡入海尋復追降之南粵乃平見南粵傳

嗟此陋微自貽擒滅勉成良畫速致殊勲雖

荒徼之地固不勞於有征而昇平之年將自

此而何事書之竹帛實謂揚名事須移牒隣

管以成犄角

左氏譬諸捕鹿晉人角之戎人犄之

舉牒者

賀誅淄青逆賊李師道狀

中書門下狀下同

右今月三日

元和十四年三月初三日

得知進奏官某報

前件賊以前月九日

二月九日斬李師道

克就梟戮者

伏以天啓聖期神資良弼

書夢帝資予良弼

必有懲

討以致昇平蠹爾兇渠

詩蠹爾蠶荆說文云蠹爾動貌

敢行

悖亂締交於雷霆之下

締結也締音帝

效逆於化育

之辰逞豺聲以欺天

左傳蜂目而豺聲忍人也

恣狼心而

犯上

左傳狼子野心

嘉謨克協威命旁行破竹寧比

其發機杜預伐吳曰今兵威已振譬走丸未

喻於乘勝孫子如九濁河清濟濁河曾無溝

洫之虞大峴琅邪劉裕伐南燕慕容超公孫

敗河濟大峴琅邪皆淄青不聞崖岸之阻天

兵四合賊衆屢摧然後赦劫脅之辜許其歸

復寬註誤之典註右切期以撫循外怛皇威中

感聖德雖在梟鏡郊祀志古者天子祠黃帝

破鏡獸名食父豈不知歸是以未極誅鋤遽

聞內潰鯨鯢已戮見東海之無波氛沴盡消

辰沴音仰太陽之普照功格于天地化合于陰

陽一德方繼於商書書惟尹躬暨湯咸有一德降神自同

於周雅詩維嶽降神生甫及申遂使垂白遺老再逢大

寶之安大寶一作天寶摛紳諸生遠期貞觀之理某

特承朝獎謬列藩臣常以突刃觸鋒未為效

節膏原潤草豈足酬恩寤寐撫心不遑寧處

今則削平之際慙無尺寸之功開泰方初徒

受丘山之寵無任憤激屏營之至抃舞歡慶

倍百恒情

賀平淄青後肆赦狀

右伏奉二月日德青一本云二以淄青削平

慶賜大洽率土之內抃躍無窮伏以周滅三

監俱明誅放之罰書武王崩三監及淮夷叛

其地為三國詩風邶鄘衛是也邶以封紂子

武庚鄘管叔尹之衛蔡叔尹之以監殷民謂

之三漢平七國更嚴斬殺之科景帝紀七國

夫將軍竇嬰將兵擊破之六月詔曰今漚等

已滅吏民當坐漚等及逋逃亡軍者皆赦之

楚元王子藝等與漚等為逆朕未有翦覆兇

渠撫存疑類威暫行而德洽誅纔及而恩加

操兵者悉獲歸休秉耒耜者更聞優復與之種

食分以貨財疾苦盡除鰥孤咸育葬戰死之

骨增以賞延憐刃傷之肌存其廩給滌山川

之舊汚申節義之餘寃功多受三事之榮詩三

事大夫莫肯夙夜注云三事謂三公也元和十四年二月丁巳斬李師道王戍田弘正奏

捷到癸酉加弘正檢校節著有十連之寵禮記

十國以為連連有帥是月庚午以淄青都較

然逆順益以彰明和氣遠周罷七旬之干羽

書舞干羽于兩仁風溥暢收六月之車徒詩六

月棲棲戎
車既飭
寰海永康
夷夏均慶
某忝司戎旅

獲奉昇平
當伊尹無耻之辰
書伊尹曰予弗克俾厥后為堯

舜其心愧耻
見咎繇惟輕之德
書罪疑惟輕
扑躍

之至倍萬恒情無任慶賀之至

賀分淄青諸州為三道節度狀一作使

右某伏見某月日制分淄青諸州為三道節

度都團練觀察等使者元和十四年二月命戶部楊於陵為淄青

宣撫使并分師道地於陵按圖籍視土地遠近計士馬衆寡校倉庫虛實分為三道使之

適均以鄆曹濮為一道淄青齊登萊為一道兗海沂密為一道
害氣盡除和

風溥暢一作遠暢裂壤既分其形勝經野必正其

提封周禮體國經野注河濟異宜書濟州海

岱殊服書經謂為之里數八命作牧周禮八命作伯無聞

威福之源十國為連見前已肅澄清之政鼠

無夜動左傳襄二十三年夫鼠晝伏鴉變好

音詩翩彼飛鴉集于泮林惠澤豈俟於崇朝

仁化寧期於必代孔子曰如有王遂使琅邪

即墨田生無慮其異謀漢高帝六年田肯賀

之饒南有泰山之固西有濁河聊攝姑尤晏

子但聞其善祝

左傳昭二十年晏子曰祝有益也詛亦有損聊攝以東姑

尤以西為人也多矣雖其善祝豈能勝億兆之詛聊攝齊西界也平原聊城縣東北有攝

城姑尤齊東界也姑水尤恭以相公暮參禹

水皆出城陽郡南入海績詩云芒芒禹績畫為九州制出蕭規揚子蕭也光輔聖

神左傳楚康王曰宜夫子之永康黎獻某獲

逢開泰忝守方隅并躍之誠倍百恒品

為裴中丞上裴相賀破東平狀裴中丞行

立賀裴相度

右伏以逆賊李師道克就梟擒已具中書門

下狀賀訖某忝居末屬行立與度同族特受深恩踊

躍不寧輒復披露竊以自古中興之主必有

命代之臣一德同功以叶休運故申甫方邵

謂申伯尹吉甫方叔召虎成宣王復古之勲詩車攻宣王復古也宣王

能內修政事外攘夷狄復文武之境土吳鄧寇耿謂吳漢鄧禹寇恂耿弇

致光武配天之業此皆上下齊志中外悉心

雖成功則多而陳力甚易豈若閣下挺拔英

氣邁越常流獨契聖謨以昌鴻業廟略初定

異議紛然詆訕盈朝萋斐成市詩萋兮斐兮成是貝錦

萋音妻 閻下秉心不惑定命彌堅詩許謨討

淮右之兇則下車而授首淮右謂吳元濟 服恒陽之

虜則馳使而革心恒陽謂王承宗度在淮西

濟就擒王承宗破膽矣願得書往說之可不

煩兵而服度遣之承宗懼請以二子為質及 獻德隸 況師道惡稔禍盈鬼怨神怒恣行悖

慢敢肆欺誣天兵四臨所至皆捷次又捨其

將校許以歸還罪止一夫恩加百姓豺狼感

化梟鏡懷仁梟鏡已見上注 自致誅夷以成開泰萬

方有慶四海無虞遂令率土之人盡識太平

之理盛德大業振古莫儔然則布政明堂勒
功東嶽光垂後祀輝映前王神化永屬於聖
君崇勲實歸於宗袞慶賀之至倍萬恒情

為裴中丞上裴相乞討黃賊狀

某材質無堪授任非次當有事之日忠懇莫
施遇成功之辰慙憤空積陳力之志誓死不
逾伏惟仁恩終賜展效今者中華寧謐異類
服從唯此南方尚餘寇孽伏以黃少卿等憑
培塿以自固

自關而東小冢謂之培塿又云
小阜也。○培薄口切塿音郎口

切合莖脆以為強莖寸卧切脆此劫脅使臣

侵暴列郡雖狐鼠之陋無足示威而蜂蠆之

微蠆五邁切猶能害物必資翦伐方致和平庶盡

駑蹇之勞以荅恩榮之重撫心踴躍夙夜不

寧私布丹誠敢期明鑒無任感激屏營之至

為桂州崔中丞上中書門下乞朝覲

狀中丞崔詠也

右某幸遇文明叨承委寄理戎典郡十有四

年瞻戀闕庭神蒐飛越頃在邕州元和五年八月詠自

鄧州刺史除為邕累陳誠懇謬尸進律之寵

管經畧使故云禮記有功德於未遂執珪之願左傳朝聘有圭詩以其介

于王入觀相公膺賢輔聖大叙倫彝書彝倫中

外之臣出入更踐某自領桂管元和八年十月詠遷桂

管又逾再周注見前卷為崔企鸞鷺於紫霄

獨無羽翼仰星辰於黃道渾天圖天有黃赤二道禮記疏日月

四時遊於黃道其方不同徒竭丹誠况正月會朝遠夷皆

至見周官春六歲來見要服有期書六年五服一朝國語要

服者貢注云要服六歲一見豈使班超之望長懸東漢班超傳超

以父在絕域年老思歸十二年上疏曰太公

封齊五世葬周狐死首丘代馬依風夫周齊

同在中原千里之間况於遠處絕子牟之戀

域小臣能無首丘依風之思哉

空積湖之上魏公子牟曰身居江伏乞特申微

願錄受冗負徵故事而不遺揆夙志而斯畢

入天子之國願附禮於小侯拜丞相之車

袁盎為吳相告歸道逢丞丞敢希榮於下客作上一無

任懇禱屏營之至輕瀆威重戰汗伏深謹狀

一本止於下客無後數句

為南承嗣上中書門下乞兩河效用

狀

右伏以越敗夫差多會稽納官之子

越語孤子寡婦

疾疹貧病者納官其子注趙摧栗腹即長平

死事之孤

趙世家武成王十五年燕王喜使丞相栗腹約歡於趙還報燕王曰

趙壯者皆死長平其孤未壯可伐也何者義

烈之餘色氣猛厲上將效於國用下欲濟其

家聲所以憤激悽愴常思致命者也某先父

死難睢陽

至德二載十月賊將尹子奇陷睢陽害張巡姚閻南霽雲等霽雲承

嗣之事存簡冊累降優詔榮及子孫爰自繼

綵超昇品秩

承嗣七歲為發州別駕賜緋魚袋故云

肉食廩給

未嘗暫停頃守涪州屬西蜀構逆

永正元年八月劔南

支度副使劉闢後將致死命以盡夙心寢戈嘗

自為節度留後

膽志願未究會刀筆之吏寘以深文首級之

差馬唐對文帝曰雲中守魏尚坐上功首今

復誰辯蕙苾之謗馬援征交趾常得蕙苾欲

人為前所載還皆明珠文犀光武大怒自明猶賴舊勲謫居樂土時承嗣食人力之

粟守無事之官拳拳血誠無所陳露伏見明

制興師討伐恒冀

元和四年十月制削奪成德軍節度使王承宗官爵

以左神策中尉吐突承瓘為招討處置使往征之

蔑爾小醜尚欲逋

誅某材非古人志慕前列願得身當一隊

李陵

曰臣所將屯邊者皆荆楚勇士奇才劍客願得自當一隊效死戎行竭平

生之忠懇申幽明之冤痛撫劍心往發言涕

零嘗聞漢法有奮擊匈奴者諸侯不得擁遏

又况丞相揔軍國之重定廊廟之謀固當弘

獎無所棄捐伏乞哀憫收撫以成其心無任

懇迫惶恐之至

柳州上中書門下舉柳漢自代狀前與

舉監察御史柳漢自代表同作

右伏准元和六年十月十七日勅常叅官授

上後三日內舉一人以自代便具所舉人兼

狀上中書門下者今奏請前件官自代謹連

狀

為長安等縣耆壽詣相府乞奏復尊

號狀注已具三十七卷請復尊號表

長安縣耆壽某乙若干人一本無右某等伏

以生長明時游泳皇澤鼓腹且知於帝力食

毛敢忘於君恩

左氏傳食土之毛誰非君臣

竊見近者祥

瑞所陳周於百郡豐稔之報均于四方有以

知上玄降靈誕告嘉應彰我君文明之化仁

育之恩大道既行鴻名未舉是以殷勤昭著

如斯而不已者也某皆陶煦純仁

煦溫也吁具切

成

此者老生既無補死而何求唯願上聞帝闈

復建尊號用彰聖德以報皇慈披露血誠伏

守天闕糜軀碎骨猶生之年謹以今日詣光

順門輒進表訖

表一作奏

伏惟相公贊翊明主共

致太平而使名號尚鬱天人失望草野愚鄙
竊有感焉伏望敷奏之際開陳其要俾下情
允達大願克從退就泉壤樂而無恨輕黷相
國伏待典刑謹狀

為京畿父老上府尹乞奏復尊號狀

長安縣耆老某乙等若干人

一本無上文

右某等

幸以羸老獲覩昇平蹈舞薰風謳謌壽域譬
之草木何以報天寤寐焦勞不知所措伏見

聖君臨御玄化升聞書玄德瑞應匝於萬方

匝作答切豐報窮於四海神祇注意天地傾

心覺悟生人必有為者一作必蓋以挹損徽

號近二十年興元元年盛德益光大名未復

致遠邇積慮幽明憤懷故自古以來嘉瑞之

至未有如今歲之盛也斯乃上玄深旨下人

懇誠勤勤相符正在於此某等眷戀明時朝

夕是切唯願早復大號以契天心庶得聖政

益光鴻化彌遠少遂踊躍之甚今請詣光順

門進表昧死上陳伏以侍郎

正元十六年十月以吏部侍郎

韋夏卿為京兆尹

道合君臣惠敷黎庶儻遂收採愚

慮致貢天庭俾草萊微誠得達萬乘非所敢

望惶懼伏深謹狀

東品朝雲

鵝粉豐粹

河東先生集卷第三十九

河東先生集卷第四十

祭文

祭楊憑詹事文

憑字虛受一字嗣仁弘農人公娶楊疑女

為憑從子婿據楊氏誌父禮部郎中疑則子厚疑婿也然楊疑

墓碣曰若宗元者以姻舊獲愛若疑婿不應曰姻舊楊氏誌恐

誤以憑為疑此文元和十二年柳州作

年月子壻

一本有使持節柳州刺史柳某一十五字謹以

清酌庶羞之奠昭祭于丈人之靈卿雲輪困

史記天官書郁郁紛紛蕭索輪困是謂慶雲慶雲即卿雲蓋五色雲也天漢昭

回詩俾彼雲漢昭回自然物外寧雜塵埃公

稟間氣間居心靈洞開翱翔自得誰屑羣猜

也屑顧孝友忠信憑工文詞尚氣節與聞于九

垓垓重也天摛華發藻摛抽知切又其動如

雷世榮甲科大曆九年憑亦務顯處務一公

之後德有而不顧御史之選朝之所注公勤

于養投効引去憑累事節度府召為監察時

任方隅威刑是務公施其惠貞元十八年九

出為湖南觀察使永亦莫有選五故切逆京

貞元年十月遷江西

兆之難下多怨怒或由以黜瓦石盈路貞元二十

二年二月京兆尹李實貶通州長史市里歡呼皆袖瓦礫遮道伺之實由間道獲免公

捍其強仁及童孺元和十四年憑自左遷而

出擁道牽慕道峻多謗德優見憎煩言既詆

左傳嘖倚法斯繩書無倚法以削憑與御史有煩言

七月夷簡劾憑江西姦賊及它不法詔刑部尚書李鄴大理卿趙昌即臺參訊時憑治第

永寧里功役叢煩又幽妓妾於永寧別舍謗議頗謹故夷簡藉之痛擿發欲抵以死既置

對未得狀即建捕故官屬推攝籍憑家資翰林學士李絳奏憑所坐賊不當同逆人法乃

止憲宗以憑治京兆有績南過九疑九疑山

州界謂東逾秣陵秣陵江寧謂自臨顛沛三

載天書乃徵入傳王國自杭州入嘉聲聿興

詹事東宮自王傳徙太子詹事致政是膺年唯始至道

則彌勵頡頏飛而上曰頡頏飛而下曰頡頏優游德藝實

期濬發再光文陛誰謂昊天遽茲降厲厲惡也詩

降此大厲嗚呼哀哉某以通家承德夙奉良姻莫

成子姓史記外戚世家或不能成子姓早喪

淑人貞元十五年八月一日公恩禮斯重眷

撫惟新綢繆其志實敬實勤迨今挈然十有

八祀自貞元十五年己卯至元和十二年丁酉為十八年家缺主婦身

遷萬里謗言未明黜伏逾紀十二年德輝間

絕音塵莫俟歲首發函視遠如邇雖當沉痼

心術猶治撫膺頓首流泣瞪視瞪文證切直視既歛

而還莫傳音旨鄉風長慟於茲已矣嗚呼哀

哉承訃之始卜兆既逾載馳斯文出拜路隅

哀從海澨視裔切禮致皇都寸誠相續終歲不

渝天道悠遠人世多虞寄心雙表表謂墓闕長恨

囚拘嗚呼哀哉

祭穆質給事文

質河內人祕書監寧州

文據傳質自給事中出為開州

卒然此文謂黜刺南荒義言盈

口又云王命南下郡符東剖留

滯湮淪殲此遐壽必是自開移

撫未及行而卒耳此文柳州作

豈質元和十二年方自開

遷撫故耶

昭祭于給事五丈之靈自古直道鮮不顛危

禍之重輕則繫盛衰矯矯明靈克丁聖時

作生形軀獲宥三黜無虧

賢良發策始振其儀天子動容敬我直辭

貞元

元年九月德宗策賢良方正能直言極諫科
問以天旱質言兩漢故事三公當免卜式著

議洪羊可烹德宗載之冊府命以諫司質以
深喜之擢第三等

自畿尉擢抗姦替否與正為期奏書百上知
左補闕

無不為誰謂劉賈劉向英風莫追給事黃門

奉職樞機封還付外動獲其宜無曠爾位惟

公在斯質累遷給事中政事得失未嘗不盡
言元和初鹽鐵轉運諸院擅繫囚答

掠嚴楚人多死質奏請與州縣參決自是不
冤王承宗反用內官吐突承瓘為招討使四

年十月質與度支使李元素極言其不可明
日削承瓘四道兵馬使帝頗不悅以質為太

庶子左達道之行實惟交友患難相死其廢自

久公實毅然誓均悔咎挺身立氣不改其守

默刺南荒

元和四年七月京兆尹楊憑貶臨賀尉質坐與憑善貶開州刺史

義言盈口封章致命志期隕首邈矣高標誰

嗣于後王命南下郡符東剖

見題註

留滯湮淪

殲此遐壽嗚呼哀哉公之伯仲信惟先執

穆質

穆貞穆賞皆見於公之先友碑陰記感激之風道同義立中司

守直奸權是襲致之徽纆

音墨索也易繫用徽纆

誣以

賄入瑣瑣其徒榜訊愈急

贊字相明累擢侍御史分司東都陝

鞞觀察使盧岳妻分財不及妾子妾訴之贊鞞其事御史中丞盧佖欲重妾罪贊持平不

許詔與宰相竇參共誣贊受金捕送獄侍御史杜倫希其意鍛鍊甚急榜音彭訊音信

詔下三司議于洛邑噫我先君邦憲是輯平

反羣枉反孚表切漢書平反註大忤三揖左傳

襄三年三揖在危法旋加譖言俄及左官夔

國贊弟賞詣闕搨登聞鼓訟寃詔三司使柳鎮李觀楊瑀覆治無之然猶出為邢州刺

史鎮亦坐貶義夫掩泣邪臣既黜乃進其級

夔州司馬貞元八年竇參貶端于庶僚直聲允集虔虔

召質為刑部郎中

小子夙奉遺則公在郎位再懼擯抑時忝憲司竊分枉直抗詞犯長有志無力惟韓洎劉

謂監察御史韓同憤霑臆道之不行銜媿罔

極公在左掖議登秋官先定于志將發其難

決白無狀以申禍端秉心撰詞義不可干

謂將

白公之在會逢友累謂其坐揚曾莫自安感于褚

中褚展呂切袈裟衣也有涕沆瀾嗚呼哀哉

壽宮久翳狼荒萬里禮不可違誠不可弭抽

哀洩憤舒文致美願遡海風以窮洛渙清明

如在神鑒何已嗚呼格思以慰勤止

祭呂衡州温文温字和叔一字化光河東人温之生平公

富為之誅極所稱道蓋不獨見
之此文也作之年月具本篇

維元和六年歲次辛卯九月癸巳朔某日友人守永州司馬貞外置同正貞柳宗元謹遣

書吏同曹

同曹人名為曹吏

家人襄兒奉清酌庶羞

之奠敬祭於呂八兄化光之靈嗚呼天平君

子何厲

厲惡也

天實仇之生人何罪天實讎之

聰明正直行為君子天則必速其死道德仁

義志存生人天則必天其身吾固知蒼蒼之

無信

莊子天之蒼蒼其正色耶

莫莫之無神今於化光之

歿怨逾深而毒逾甚故復呼天以云云天平

痛哉堯舜之道至大以簡仲尼之文至幽以

默千載紛爭或失或得倬乎吾兄獨取其直

貫于化始與道咸極推而下之法度不忒旁

而肆之中和允塞道大藝備斯為全德溫從陸質

治春秋梁肅為文章而官止刺一州元和三年十月

勇于藝能咸有所祖而官止刺一州元和三年十月

貶溫均州刺史五年移守衡州年不逾四十佐

王之志沒而不立豈非修正直以召災修一作循

好仁義以速咎者耶宗元幼雖好學晚未聞

道洎乎獲友君子乃知適於中庸削去邪雜
顯陳直正而爲道不謬况實使然嗚呼積乎
中不必施於外裕乎古不必諧於今二事相
期從古至少至於化光最爲太甚理行第一

温在衡州
洽有善狀

尚非所長文章過人略而不有素

志所蓄巍然可知貪愚皆貴險佞皆老則化
光之天厄反不榮歟所慟者志不得行功不
得施蚩蚩之民不被化光之德庸庸之俗不
知化光之心斯言一出內若焚裂海內甚廣

知音幾人自友朋凋喪志業殆絕唯望化光

伸其宏略震耀昌大興行於時使斯人徒無一

徒字知我所立今復往矣吾道息矣雖其存者

志亦死矣臨江大哭萬事已矣六年八月温卒于衡州十

二月十四日窮天之英貫古之識一朝去此

藁葬江陵

終復何適嗚呼化光今復何為乎止乎行乎

昧乎明乎豈蕩為太空與化無窮乎將結為

光耀以助臨照乎豈為雨為露以澤下土乎

將為雷為霆以泄怨怒乎豈為鳳為麟為景

星爲卿雲以寓其神乎將爲金爲錫爲圭爲
璧以栖其魄乎豈復爲賢人以續其志乎將
奮爲神明以遂其義乎不然是昭昭者其得
已乎其不得已乎抑有知乎其無知乎彼且
有知其可使吾知之乎幽明茫然一慟腸絕
嗚呼化光庶或聽之

祭李中丞文

中丞名字未詳作
之年月具本篇

維貞元二十年歲次甲申五月某朔
一本五
朔二十日故吏儒林郎守侍御史王播將

仕郎守殿中侍御史穆贄穆質誤作贄字奉議郎行

殿中侍御史馮邈承奉郎守監察御史韓泰

泰字安平宣德郎行監察御史范傳正傳正字西老貞元十

年舉進士文林郎守監察御史劉禹錫承務郎監

察御史裏行柳宗元承務郎監察御史裏行

李程等程字表臣謹以清酌之奠敬祭于故中丞

贈刑部侍郎李公之靈惟公堅貞守道潔廉

成德當官秉彝卓爾孤直高節外峻純誠內

植臨事不回執心無惑矯矯勁質一作節擢於

天枝中丞宗室式是邦族粲其羽儀發跡內史內古

史今鳳翔府叅其軍事自下廟上漢書贊賈山自下廟上孟康曰

廟謂割切之也。廟音磨直詞屢至于後受邑歷撫疲人

公去逾久人滋咏呻咏呻歌咏復從京邑辟署司

錄振其綱條端我甸服甸服謂畿甸也黠吏屏氣貪

官室慾易君子以懲忿窒慾赫赫有命登于王庭邦賦

以修國用是經實抗其長以奉准程准程法校

其簿書無失奇羸奇音羸與畸同進為正郎

勾會是專會古外切乃刺于商出為商虎節

河東卷四十一 九 齊美堂

登山周禮山國用虎節化堵為沃堵音春薄土也致夷於艱

道途謳歌有詔徵還丞我御史自商州召為御史中丞

執其憲矩糾逖之志直清是舉慎擇寮史必

薪之楚詩翹翹錯薪言刈其楚註者終始七載云楚雜薪之中尤翹翹者

不忘祇勤事無觀瞻道有屈伸阜囊密啓見上

屢卑其忠懇屢陳今望逾重名卿是屬拖紳

遽聞論語疾君視之東首加卷衣已復復招

禮喪大記曰復者朝服君以卷夫人以屈狄

大夫以玄纁世婦以檀衣士以爵弁士妻以稅衣皆升自東榮中屋履禮備贈贈穀梁傳危北面三號捲衣投于前

乘馬曰贈一曰贈一作賻公羊曰車馬曰贈
貨財曰賻註符遇切皆助生送死之禮

方鳳切恩加命服窀穸窀穸厚也窀夜也左

傳窀穸之事歲月逾盛播等猥備官屬況當

薦延承其規模奉以周旋近或逾月遠則累

年咸承至公官守獲全故事盡在遺風藹然

俯仰庭除顧慕潺湲潺湲音爰山切致誠一觴拜

訣堂筵嗚呼哀哉

為韋京兆祭杜河中文註具本篇

維年月日甲子京兆尹韋夏卿夏卿字雲客京兆萬年人

貞元十七年十月自謹以清酌之奠敬祭于

故河中節度贈禮部尚書杜公之靈貞元十五年十

二月以同州刺史杜確為自古謀帥怕在諸

儒晉登卻穀亦以詩書左傳僖二十七年晉

曰卻穀可臣亟聞其言爰及近代二柄殊途

授鉞之臣率由武夫時惟明靈道冠學徒天

子有命摠其戎車何以邦之維絳及蒲即謂

有山有河殿此大都焜耀昌焜音混振宣

後學命服之盛光于列岳謂保豐福永縻王

爵壽如何期神不可度嗚呼哀哉大曆之歲

詔徵茂才時忝同道一作科俱起草萊懷策既

陳綸言煥開考第居甲大曆二年夏卿與第

方正自天昭回分命邦畿夏卿為高步武獲

陪同志為友星霜屢迴長我十年禮宜兄事

周游歡洽莫不如志于後多幸謬列周行戶

切詩寘彼周行註行列也置周之列位箋謂

朝廷臣也左傳襄十五年註周徧也言徧于又同制書竝命文昌及余稍遷吏部

為郎公屬中兵此焉分行夏卿為吏部員外郎確為兵部員外

郎再獲聯事東西相望音出處同道樂惟其

常惟一後余出刺九載南服夏卿自給事中

刺史前公自左輔遂膺推轂左輔謂同州自

後九年王遂膺推轂也馮唐曰我勤魏闕勤一爰揔九

流貞元十六年夏卿為吏誰謂河廣願言莫

由詩誰謂河廣一葦杭之言自京烹魚之問

往復相酌文選古詩客從南方來遺我雙惠

好斯厚惟以綢繆余弟宗卿獲茈仁宇命佐

廉問宗卿為河忘其愚魯論語柴也魯假以羽

翼俾之騫翥

章怒切

惠文莪莪

惠文冠也漢張敞傳秦時

法吏冠柱後惠文莪莪高貌

赤紱在股

詩作芾小雅赤芾在股邪幅在下註

云芾赤韋為之古蔽膝之象也

榮映斯極從容何補承慶惟

深報恩無所嗚呼哀哉天子震悼哀我良臣

密印追贈尚書禮殷

殷盛也

四方興嗟況此故

人循念平昔徘徊悲辛卜葬斯及禮儀畢陳

敬薦行潦

左傳潢汚行潦之水可薦於鬼神

洩哀茲辰嗚呼

哀哉

為韋京兆祭太常崔少卿文

崔少卿考之史

傳未詳惟撫諸表系有崔隱甫
之孫既者一人為太常少卿當

即此也貞元十八年作

維年月日甲子京兆尹韋夏卿謹以清酌庶

羞之奠敬祭于亡友故太常少卿崔公之靈

惟靈率是良志蹈其吉德左傳孝敬忠炳蔚

文彩周流學殖孔氏之訓專其傳釋黃老之

言探乎幽蹟六書奧秘周禮五曰六書六書

事三曰會意四曰假借是究是索叩爾玄關

保其真宅藝成行備披雲騁跡康莊未窮莊康

大道也爾雅五達謂之康六衢濛汜已極濛汜

達謂之莊史記有康莊之衢濛汜已極濛汜

之處淮南子淪于濛谷是謂定昏濛汜已極

言將死也楚詞天問出自湯谷次于濛汜註

云汜水涯言出東方湯谷之中暮入嗚呼哀

哉夙歲同道從容洛師東都接袂交襟以邀

以嬉策駕嵩少嵩高少室二山名在河南府登封縣沂舟漚伊

書伊洛漚澗伊漚二水名在河南府登封縣笑咏周星周星謂十

二年也左傳其樂熙熙丹青何望青雲可期

洛中十友談者榮之

據夏卿傳始在東都傾心辟士頗得才彥其後

多至鄉相世惟鄭洎齊各登鼎司鄭餘慶齊映竝仕至

宰相或喪或存山川是違繫我夫子宜相清時

命之不遐孰不悽悲嗚呼哀哉往佐居守謂佐

東都及爾同寮笑遨交歡遨一作傲匪夕則朝入

同其室一作入出聯其鑣投文報章既歌且

謠及我為郎優游吏部夏卿自長安令入公

為御史持憲天路文陞徐趨眷戀相顧歡愛

之分有加于素自我于邁邁往也詩歷刺東

吳夏卿自給事中離憂十年離憂謂離別之

凡九復會名都余為侍郎銓揔攸居夏卿自

蘇州召

為吏部侍郎實得茂彥奉其規模聯事合情

又倍其初我尹京兆貞元十七年十月公亞

奉常謂為太常少卿步武相望佩玉以鏘謂保愉樂

長此翱翔抱疾幾何忽焉其亡嗚呼痛哉原

念往昔愛均骨肉我有書笥盈君尺牘寤言

在耳今古何速失涕興哀匍匐往哭詩凡民有喪匍

匍救撫筵一呼心焉摧剝普木切日月逾邁書

弗云逾邁若佳城遽卜西京雜記佳城鬱鬱三

居此素車千里逶迤山谷透於危切迤晦爾

精靈藏之斧屋

禮記孔子曰吾見封之若堂者矣見若覆夏屋者矣見若

斧者矣吾從若斧者焉馬鬣封之謂也註斧形旁殺刃上而長 嗚呼哀哉丹

旌卽路祖奠在庭去此昭昭就爾冥冥敬陳

洞酌 詩洞酌彼行潦註云洞遠也行 以告明

靈臨觴永慟庶寫哀誠嗚呼哀哉伏惟尚饗

為李京兆祭楊凝郎中文 時為藍田尉作

維貞元十九年歲次癸未四月辛未朔某日

檢校工部尚書京兆尹司農卿李實 貞元十五年三月

月以司農卿李實為京兆尹 謹以清酌庶羞之奠敬祭于

故兵部郎中楊公之靈楊凝字茂功弘農人

疑墓惟靈清標霜潔馨德蘭薰馨德書所謂

沖和茂著孝友彰聞濬發洪緒激揚清芬謂芬

芬思侔德祖楊脩字德祖學紹子雲瑩彼靈

府彬其英文吐論冠時舒華軼羣百氏之奧

一言可分旁貫釋老豈伊典墳謂躡公相贊

揚聖君高山安仰詩高山仰止禮記夫子歌

乎哲人其萎乎子貢曰泰山其頽則吾將安

也將死逝水沍沍論語子在川上嗚呼哀哉唯

是伯仲竝為士則疑兄憑弟凌皆有名於時

士連擢首科大曆九年憑中進士第迭居顯

職公之懿美發自朋僚播于四方令聞克昭

炯然燭識卓爾孤標翼翼其容羽儀清朝載

筆東掖動無不紀禮記史載筆士載言東掖

則左史書事不回故云動無不紀為起草南宮

時論增美遷尚書司封真外郎華正封邑申

彰大梁有艱天子是使貞元十二年八月疑

部郎中為宣武軍節度判官是時宣武帥李

萬榮卒其子迺擅領軍務故云大梁有艱

密勿之謀詩密勿從事唯道是履復歸郎署

一作歸職茲中兵十八年凝起家簡稽無撓

復郎署職茲中兵為兵部郎中簡稽無撓

周禮以八式經邦治二曰聽師田以簡稽遂

人云稽其人民簡其兵器簡稽士卒兵器簿

書簡猶閱也稽猶計也合也合計其以考其

士之卒伍閱其兵器為之要簿也成英風未攄沉疴遽嬰孰云積善降以促齡

昔歲江表獲同宴語嗣曹王臯為江西觀諤

為好仁不我遐阻公之元兄疑之復惠德音

優游多暇卷眇逾深眇音情言盈耳尺素相

尋冀茲競爽左傳二焜燿儒林及此凋落祇

可復卷四十一
七
齊美堂

摧我心嗚呼哀哉遣車就引

禮記遣車視牢具視牢者言

遣車多少各如遣奠所包牲體之數也又哀見集戶部郎中魏府君墓誌註口遣去聲

挽先路迅風淒悲頽景幽暮傾都殄瘁

詩入云

亡邦國殄瘁揮涕相顧矧茲故人誰任痛慕潢污

一觴詎寫平素尚饗

為安南楊侍御祭張都護文

張都護安南都

護御史中丞張舟也公嘗為之誌所載與此文皆合楊侍御未

詳

維年月日故吏某職官其敬祭于故都護御

史中丞張公之靈交州之大南極天際禹績

無施禹績謂禹治水之功秦強莫制或賓或叛越自漢

世漢武帝元鼎六年平南越置交趾郡聖唐宣風初鮮寧歲稍

臣卉服書鳥夷卉服卉服以草木為衣漸化椎髻卒為華人

流我愷悌士燮之理吳志士燮字彥威漢末為交趾太守在郡二十

餘年疆場無事惟公克繼勤勞遠圖敷贊嘉惠銅柱

南表前功載修事見舟墓誌空道北出張騫傳云樓蘭姑師

小國當空道孔穴也式遏蠻陬將侯切聚居也梯航連連旌旆

悠悠輻湊都會輻音福湊干候切皇威以流方荷天

可類卷四十一 七

寵宜公宜侯聲馳帝鄉魄降炎州嗚呼哀哉

公昔試吏謂舟初為蘄州蘄時推清能公昔

乘輶音搖使者車謂舟以左領軍人知準繩

鰥嫠以安征賦用登柱史稍遷謂舟三郎曹

繼升謂舟檢校尚書程功佐理海裔斯澄謂轉

禮部郎中為安南副乃紀南方專任是憑謂遷

檢校太子右庶子兼安南都護兼御史禮分

五玉書修五禮五玉五玉謂公執栢圭侯執

也賜恩錫百朋詩錫我百朋箋云古者貨貝開

府辟椽羣英攸屬顧茲陋微敢廁甄錄

甄稽切

既受筐篚載加命服賜有楚冠用慙豸角

胡廣

曰左傳有南冠而縶者則楚冠也或謂之解豸冠一曰柱後惠文冠執法者服之續漢志

云獬豸神羊能別曲直星言赴命注望帷幄

視險如夷瞻程非邈伯氏左宦

伯氏謂侍御之兄也

爰

滯中途流連隱憂言念涕濡子姪莫在使命

頓殊

命一作令

兢覓弔影敢廢斯須情留江徼

音叫

夢結天隅恩切有裕義乖從役顧慕長慟展

轉增惕矚力猶在

矚音呂脊骨也字或從肉此宜作旅詩旅力方剛註

也旅衆中腸屢激方俟銷憂永期投跡謙德不

福易鬼神害盈而福謙言法星降災法星熒惑庭

懸遽徹禮記大夫無故不徹懸註云懸樂器

也駟計爰來駟音日驛傳也撫躬益恨循顧增哀瞻

容莫及報德何階輶車北轅輶載柩之車蓋

輶席口輶申奠克諧望拜徒至音塵永乖南

州斗酒後漢橋玄傳曹操祭玄墓庶寫幽懷

祭萬年裴令文萬年令裴瑾公嘗為

年七月卒文必是時作

惟靈孝友之性實惟天與飾以儒書洽其譽

處詩是以有譽處兮註云遠國之君惝然其

量稱揚德美使聲譽常處於天子也廓爾其宇人

以義來我以身許褰裳赴急不避寒暑交半

域中多容鮮拒賢於博奕孔子曰不有博奕

已瑾喜博媚茲讌語或泛或沉兩得其所攷

禮成文墜章克舉展樂承職音官式序事並

墓碣既聯奏復奏復謂亦圖筍簾圖畫也筍簾

者橫曰筍植曰簾播在奉常永傳儀矩脫

略細微傲忽煩言坦然自居無顧仇怨於元切

選空負百年怨卒成官謗莫究禍源坐黜中徙再期

騰騫音軒飛貌孰云蓄憤遽此歸魂竝見墓碣鳴

呼哀哉世稱姻黨鮮克終吉唯我與君久而

逾密追惟淑德嬪于君室堊墓碣云後上順

尊卑下歡儔匹致其孝敬式是仁卹爰友童

孩處心勿失君之仲季堊兄弟四人茂於文

術游藝相從操觚散帙操平聲觚音孤木之方者古人之用以書

猶今顧余蹇劣厠迹奔逸二紀于今交情若

一屢聞凋缺互見遷黜契闊伶俜契闊結切

也伶音零傳普丁切行不正貌一云猶零丁也流落貌分形閒質方期

末路稍追曩日時不我謀於焉斯畢營營衛

尉衛尉瑾之兄弟獨守邦秩想其永哀淮海蕭索嗚

呼哀哉聞疾馳簡其命未返翻其計書來自

番禺番禺二山名在南海今廣州與循塊守

窮荒山夔與居山夔獸名如龍而一足國語木石之怪夔魍魎越人謂之

山獠人面猴身能言獨足有眉不申有志不舒況逢零悴

當此囚拘拊膺長慟長慟何如一作天菲禮

無取沉哀有餘嗚呼哀哉

祭呂敬叔文

呂敬叔名恭公嘗為呂侍御恭墓誌卒以元和

八年六月年止三十有七此公所以重惜之也

維年月日朔

當是朔日

友人從內兄守永州司馬

負外置同正負柳宗元謹以酒肉之奠致祭

于亡友呂敬叔之窆嗚呼鞠躬歷聘

論語入公門鞠躬

躬如也歷聘謂國或以不答屠漁乖離也楚詞

歷聘諸侯之國或以不答屠漁乖離也楚詞

謂太公

呂望之鼓刀兮遭文王而得舉註云太夫何公屠於朝歌釣於渭濱文王舉以為師

克合大或不容小或見遺往來逢迎人古參

差惟子之中忠勇充之以誠與物退受其疵

智謀宏長辯論恢奇巖峩博大巖一作巍與世異

姿何付之器而躡於時躡知利也嘗曰余武王

功是期誓耆其力詩者定爾功者音指以達皇威邊

鄙不靖俾供輿師左傳無令輿師陷入君地輿衆也諸侯順

道戎貊咸宜事見墓誌今其沒矣哀志之違知之

無補世又罕知嗚呼哀哉昔與子游尚疑其

志及觀其長誠任其事日異其能歲增其智

進如川行浩浩而遂天平有亡中道是棄余

慎取友惟心之虔周遊人間餘二十年擯辱

非恥升揚非賢一貫于道無四五焉子之我

知不以事遷言而見信貌阻心傳我黜終世

子天於前徒稱子志誰信我言與子俱已孰

云我先惟子之兄恭兄温字化先志同義比論語義之與比

官刺一州四十而死元和六年八月温卒於衡州年四十有一子

仕方初百年有幾如何默默去我端已端淳

往來有穉之妻有弱之子並見墓誌海孺東周海孺

謂循州東周附葬於大墓。死其妻子以號哭

萬里葬紉之行記葬引至于垢注在棺曰獲

出於此爰陳酒肉式嘉且旨讀茲哀辭以奠

而誅嗚呼敬叔吾道已矣尚饗

祭崔君敏文崔君敏即朝散大夫永

之誌元和五年九月

夫產崑崙者難為玉爾雅西方之美者有崑

植鄧林者難為木列子夸父道渴而死生鄧

公以令望顯于華族藝邃六書六書見上祭

學該七錄梁普通中有處士阮孝緒字士宗

記參校官簿更爲七錄一曰經典錄紀六藝
二曰紀傳錄紀史傳三曰子兵錄紀子書四

曰文集錄紀詩賦五曰伎術錄
紀數術六曰佛錄七曰道錄
耽此黃老

切恬於寵辱入補黑衣
謂敏以干牛備身佐
環衛也戰國策左師

觸龍言於趙太后曰老臣賤息舒祺最
少不肖願令得補黑衣之數以衛王宮出參

甸服
邑敏更盤屋三原藍田尉三
紀綱淮海政

今惟肅
州事具墓誌書曰淮海惟揚
州紀綱即謂錄事參軍也宰制岳濱

周於仁育
謂敏爲許州臨
今儲闡典議直清攸

屬
之欲切自揚州入爲太子司議
郎典即司也書曰直哉惟清久次推能

二州繼牧
史謂爲歸州刺
至于邦率由舊俗

和易勿亟優游自足既有少吏勤於庶獄妖

誣殄除淫祠翦覆見事詳誌出令三歲人無怨讟

進律未行禮記王制有功德於民歸神何速

某咸以罪戾咸一作頌謫茲炎方公垂惠和枯槁

以先鳴鑾適野鑾鈴也鳴鑾謂泛鷁泂湘鷁者

船名其首畫鷁因以為稱泂順廣筵命樂華

燭飛觴高歌屢舞詩屢舞終以無荒詩好樂

紛慮斯併憂懷暫忘良時不再斯樂難常今

其柰何顧慕感傷嗚呼室有迭去川無息流

追懷曩辰恍若夢遊真徹中寢徹去也中寢路寢也寃

遷乘舟謂遷神于舟邦人永思匍匐隱憂况

我懷德心焉若抽潔誠可鑒蘋藻非羞

祭段弘古文公嘗作段弘古墓誌載之外集云段以元和九

年卒於桂州其喪來永此文必過永時作

世病乎直人悅其和行而不容雖聖奈何提

其信義誰與同波硜硜以終孔子曰言必信行必果硜硜然

小人哉。堅不可磨孔子曰不曰堅游得其

仁友擇其益始如可進終會于厄事見精誠

介然將貫金石追恩懷舊興詞憤激君昔來

辱謂初過永州備聞嘉言宵會北堂晝宴南軒去

適于越謂往容州不日其旋載除我居望爾北轅

今者之來丹旒有翩闕茲英志限此中年嗚

呼哀哉居實斯貧有子而幼孰云履信惟天

所祐易履信思乎順又以尚賢也道途之資

敢廢于舊志君之行銘石斯授並見公所有

潔其觴有楚其豆庶鑒于誠臨茲饗侑

哭張後餘詞此篇一本在祭李中明文後作之年月未詳辭

哭 謂既得進士明年卒當在京
師時附次貞元十八年文

後餘常山張氏孝其家忠其友為經術甚邃

而文少余七年頗弟畜之與之居終日冲然

冲和也忘其有人與之言鏗爾而厲厲嚴正也

兵耕切辯而歸乎中凡人有道而不顯於世則

曰非其世也一無則道而得乎世然而不顯

則曰命作然然而一命之微不可知知而索乎外

者曰性與貌後餘之性可謂良矣其貌可謂

肅矣謂肅矣博實弘裕宜為大官者老求其

所以天賤無可得焉既得進士

元和二年明
中進士第

年疽發髀卒

髀音陞
股也

後餘之死人咸痛之曰

天之祐善人而殺是子何也激者曰天之殺

恒在善人而佑不肖莊周之說以為人之君

子天之小人張君豈天所謂小人者耶是二

者又非論之適也吾謂善與惡天與壽貴與

賤異道而出者也無取喜怒於其中道之出

者多

一作道之出其
離焉者固多

其合焉者固少是以君

子之難貴且壽也後餘母老而喪良子東西

行者行字無助之哭焉況其知者耶然後餘不

與諂冒者同貴不與悖亂者同壽歸潔乎身

孟子或遠或近或去或不去歸潔其身而已聞道而死論語朝聞道夕死可

矣雖勿哭焉可也嗚呼向更使一本無既聞

道而且貴且壽則其顯庸也遠矣又烏能勿

痛乎遂哭之以辭

嗟嗟張君善不必壽惟道之聞一日為老人

皆反是百稔猶幼百稔百子之優游是亦黃

者詩內尊事黃耆嗟嗟張君寵不必貴尊嚴

黃耆老者之稱

爲仁早服高位淫諛肆慾銀艾淪棄

銀艾銀艾銀艾

言雖服銀艾猶爲淪棄也子之崇高無媿三事吾見皤皤

而童

皤老人白貌

赫赫而辱進禰袴於几杖

負泥塗於冕服已雖有餘人視不足子之跡

不混乎其間者幸也宜賀而弔宜歌而哭吾

其過乎與其寵而加貴善而加壽道施於人

慶及其母

一作於母

從容邦家樂我朋友豈不先

裕顯大歟而不克也則弔而哭者其無過乎

嗚呼

祭李中明文

李行敏字中明趙郡贊皇人一本此篇在哭張

後餘辭前公嘗答韋中立書云來南六七年二年冬大雪文謂

水之綿綿山萬層今又淫以雨雪此必在永時作也

致祭于亡友中明之靈夫子之道邈以恒兮

恒胡登切夫子之志勵以兢兮求中慊末如履冰

兮敦仁以孝實烝烝兮書克諧以孝烝唯毀

死虧禮其他莫懲兮左傳襄三十一公薨立公子野為嗣九月癸

巳卒毀也註過哀毀瘠以致滅一本作秉端惟毀無虧禮莫懲兮韓死作無餘竝同秉端

守一信厥明兮月踰歲長行若登兮外溫其

顏內類直繩兮謾言來加不遽陵兮舉世羣

非自視弘兮庶優游於道大賚是承兮論語周有

大賚善人是富掩冤舒抑與類升兮胡茫茫其不信

卒以禍仍兮豈韜忠哀信哀一作裏哀信又作履誼又作履信

鬼所憎兮將教言吾欺終不可徵兮徵考也成也

吾方期子于暮冀有興兮今而棄余志若崩

兮若將援而上援于消切喪厥肱兮怛其墮心交

背膺兮水之綿綿山萬層兮又淫以雨雪紆

委硎礧兮硎綺兢切礧子登切石貌鴟鵂夜啼莊子鴟鵂夜撮蚤察

豪末畫出瞑目而不見丘山鴟與鵞音休二羣鳥名皆惡鳥也。鴟與鴟同為屬鵞音休

冥凝兮覓鬼以行鬼一作思中道殘死兮殘死鬼出貌

殘力升切又魯蹬切死貌其極切魑魅搗呵韻其矜切又死欲死貌其極切

精物呵與訶同責也曷可憑兮聊致吾慎慎當

憤斯言孰稱兮

楊氏子承之哀辭考之表系楊憑子

日渾之曰後之曰敬之是也獨未詳承之

辭謂世父孔艱兮湘水滔據水經馮水出臨賀下注湘水此

必元和四五年憑謫臨賀時作

楊氏子承之既冠有成人之道其明年四月

不幸而夫其外姻左傳天子七月而葬同解

人柳宗元公娶楊疑女而承之疑諸子也為之慟且出涕噫

是子也氣淳以愿志專以勤確然而直方吾

未知其止也作詞賦書論其言甚偉余方愛

之謂可以為器者故不知慟且出涕況其親

戚者乎凡天之生物也不類精麤紛瘡也雜

作精麤賢愚混同或遠而合或親而殊然則

雖人一作聖人親戚亦將有不克知其美者若揚

氏子者其親戚皆賢咸得知之者也使知之
徒以增其悲愁怨號之聲無爲也用是爲之
辭以相其哀焉

葆醇熙兮

葆守也

承貞則懿文章兮好循直誠

耿介兮又綽寬學之勤兮行彌專質圭璋兮

文虎豹超凌厲兮馳聖道力未具兮志求通

道之遠兮足先窮有母噉噉兮

噉音叫

有弟哀

號世父孔悲兮

父之兄弟先生爲世父後生爲叔父孔甚也世父當是楊

憑

湘水滔滔去昭曠兮沉幽冥冥冥兮竟

難託

難一作誰

死者靜兮生者愁子之淑兮徒增

憂志甚良兮命甚蹙子之生兮又何欲悲吾

耳兮動吾神

吾耳一作于身

誰使子兮淑且仁嗚呼

已乎不可追終怨苦兮徒何為

徒一作獨

河東先生集卷第四十

東吳詭靈



東吳詭靈
鵬枝壽梓

平不...
令...
志...
...





浙江圖書館善本

甲 登記號：018906

一九 年 月 日







Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

TIFFEN Color Control Patches © The Tiffen Company, 2007

Blue Cyan Green Yellow Red Magenta White 3/Color Black